



Broj: 01/2-04-1215-3/2025
Breza, 30.05.2025. godine

Na osnovu člana 64. stav (1) tačka (b), člana 70. st. (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 39. Statuta Općine Breza („Službeni glasnik Općine Breza“ broj: 7/21), na Preporuku Komisije za javnu nabavku (broj: 02/1-2-11-1372-9/2025 od 29.05.2025. godine) u postupku javne nabavke roba: „Unapređenje postojeće komunalne infrastrukture i postrojenja za upravljanje komunalnim otpadom kroz opremanje mobilne pretovarne stanice“, Općinski načelnik d o n o s i

ODLUKU

o izboru najpovoljnijeg ponuđača

„Unapređenje postojeće komunalne infrastrukture i postrojenja za upravljanje komunalnim otpadom kroz opremanje mobilne pretovarne stanice“

Član 1.

Prihvata se Preporuka Komisije za javne nabavke (Broj: 02/1-2-11-1372-9/2025 od 29.05.2025. godine) i Ugovor za javnu nabavku roba: „**Unapređenje postojeće komunalne infrastrukture i postrojenja za upravljanje komunalnim otpadom kroz opremanje mobilne pretovarne stanice**“, dodjeljuje se izabranom ponuđaču „**SV COMPANY**“ d.o.o. Laktaši, ponuda (broj: 03-38/25 od 27.05.2025. godine) za ponudenu cijenu **od 140.700,00 KM bez PDV-a, odnosno 164.919,00 KM sa PDV-om**, u skladu sa ponudom Ponuđača (ponuda broj: 03-38/25 od 27.05.2025. godine).

Član 2.

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je u svojoj ponudi dostavio ovjerenu kopiju dokumenata iz člana 45. stav (1) tačka od a) do d) Zakona o javnim nabavkama („Službeni glasnik BiH“, broj: 39/14, 59/22 i 50/24), u skladu sa tačkom C) 13. Tenderske dokumentacije, te se oslobađa naknadnog dostavljanja istih.
- (3) U slučaju da izabrani ponuđač ne postupi u skladu sa članom 72. stav (3) Zakona o javnim nabavkama, ova Odluka će se poništiti.

Član 3.

Za izvršenje ove Odluke zadužuje se i ovlašćuje Služba za privredu.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Zahtjevom za pokretanje postupka javne nabavke broj: 02/1-2-11-1372/2025 od 06.05.2025 i Odlukom o pokretanju postupka javne nabavke broj: 01/2-04-1215-1/2025 od 23.04.2025. godine.

Javna nabavka je provedena putem otvorenog postupka javne nabavke.

Procijenjena vrijednost javne nabavke: „Unapređenje postojeće komunalne infrastrukture i postrojenja za upravljanje komunalnim otpadom kroz opremanje mobilne pretovarne stanice“ iznosi 140.700,00 KM bez PDV-a.

Obavještenje o nabavci, broj: 726-1-1-15-3-15/25 objavljeno je na Portalu javnih nabavki dana 06.05.2025. godine i u „Službenom glasniku BiH“, broj: 27/25 od 09.05.2025. godine.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 9 (devet) ponuđača.

Izveštaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem Općinskog načelnika broj: 01/2-04-1372-1/2025 od 23.05.2025. godine.

Komisija za javnu nabavku dostavila je dana 29.05.2025. godine, Zapisnik o pregledu i ocjeni ponuda, broj: 02/1-2-11-1372-8/2025 i Preporuku o izboru najpovoljnijeg ponuđača, broj: 02/1-2-11-1372-9/2025 u postupku javne nabavke roba: „Unapređenje postojeće komunalne infrastrukture i postrojenja za upravljanje komunalnim otpadom kroz opremanje mobilne pretovarne stanice“.

Na javnom otvaranju ponuda nije bilo prisutnih predstavnika ispred ponuđača.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedan)
- da je blagovremeno zaprimljena 1 (jedna) ponuda,
- da nije bilo neblagovremeno zaprimljenih ponuda,
- da je ponuda ponuđača: Konzorcij „SV COMPANY“ d.o.o. Laktaši i „Rumekon“ d.o.o. Ruma prihvatljiva ponuda.

Ponuđač je dostavio sljedeću cijenu ponude:

Naziv / ime ponuđača		Ponuđena cijena bez PDV-a	PDV (17%)	Ponuđena cijena sa PDV-om
1.	Konzorcij „SV COMPANY“ d.o.o. Laktaši i „Rumekon“ d.o.o. Ruma	140.700,00	23.919,00	164.619,00

Članovi Konzorcija su se izjasnili da Voditelj Konzorcija bude „SV Company“ d.o.o. Laktaši (Ugovor o zajedničkom nastupu sačinjen dana 12.05.2025. godine).

Ugovorni organ je predvidio tenderskom dokumentacijom i u sistemu „E-nabavke“ provođenje e-aukcije.

S obzirom da je dostavljena samo jedna prihvatljiva ponuda, e-aukcija se ne može zakazati, nego se postupak okončava u skladu sa članom 69. Zakona o javnim nabavkama, u skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj: 80/23).

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj: 39/14, 59/22 i 50/24).

Predlagač: Služba za privredu,

Obrađivač: Jasmina Došlić_____

DOSTAVLJENO:

1x Ponuđaču koji je učestvovovao u
postupku JN

1x Služba za privredu

1x Služba za finansije, inspekcijske poslove i opću upravu

1x Viši samostalni referent - administrator mreže

1x Evidencija

1x a/a

OPĆINSKI NAČELNIK

Vedad Jusić